



Justus Hansen (D)  
/MAANI

**Nioqqutissat eqqunneqarnerannut akitsuutit pillugit maleruaqqusat allangortinneqarnissaat pillugu eqqarsaatersuummut tunngatillugu § 37-mut akissut**

Asasara Justus Hansen

Apeqqtinnut matumuuna akineqartunut qujanaq.

**1. Nioqqutissanik 50.000 kr.-t sinnerlugit nalilinnik eqqussuineranut akitsuutit pillugit maleruaqqusat allangortinneqarnissaat Naalakkersuisunit eqqarsaatigineqarpa, tassa akitsuummik akiliinissamut kingullertut ulloritinneqartoq aatsaat ullormi tunisiffiusumi atorneqarsinnaasunngorlugu?**

Akissut: Naalakkersuisut apeqqtut imatut paasivaat, apeqquteqarnermi siunertarineqartoq, qamutit motorillit eqqussorneqartarnerat pillugu maleruaqqusat allangortinneqarsinnaanerat. Taamaattumik tamanna aallaavigalugu akissuteqartoqassaaq.

Akitsuutinuut inatsit maanna atuuttoq aalajangersagaqarpoq, suliffeqarfiit Kalaallit Nunaanni najugaqartut, Akileraartarnermut Aqutsisoqarfimmut qinnuteqarnikkut, akiliinissamut killissarititaasumik sivitsuisinnaanerannik periarfissiisumik. Sivitsuisoqarsinnaavoq 200.000 kr.-nik qularnaveequsiilluni.

Akiliinissamut killissarititaasut maanna atuuttut aalajangersarneqarput, illoqarfinni ataasiakkaanni, taakkununga ilanngullugu sikusartuni, agguaqatigiissillugu akiliisinnaassuseqarnerup nalilersorneqarnera aallaavigalugu. Assersuutigalugu oqaatigineqarsinnaavoq, Ammassalimmut nassiussat akitsuutaasa akilernerneqarnissaannut killissarititaasoq sivitsorneqarsinnaavoq, qaammatip nioqqutissat eqqunneqarfiata naaneranut imaluunniit nioqqutissat qaammammi eqqunneqarnerannit qaammatit pingasut ullullu 20-t qaangiunnerannut.

Naalakkersuisut nalilermassuk, maleruaqqusat maanna atuuttut inuussutissarsiuteqartunut naammaginartumik atugassaqartitsisut, akiliinissamut killissarititaasup allangortinneqarnissaa maanna eqqarsaatigineqanngilaq.

15. marts 2012

Suliap nr.: 2012-063277

Postboks 1605  
3900 Nuuk

Tlf. (+299) 34 50 00

Fax (+299) 32 20 42

E-mail: [tax@nanoq.gl](mailto:tax@nanoq.gl)

[www.nanoq.gl](http://www.nanoq.gl)

**2. Apeqummi siullermi nassuiarneqartutut maleruaqqusat  
allanngortinneqartuuppata iluaqutissat ajoqutissallu suut  
Naalakkersuisut takusinnaavaat?**

Akissut: Suliffeqarfinnut pineqartunut maleruaqqusanik allanngorneq iluaqutaassaaq, qamutit motorillit suliffeqarfimmi sivilisunerusumik qimerloorneqartussat saqqummerseriarlugit tunineqartuugunik. Taamatut pisoqartillugu suliffeqarfiup akiliisinnaassuseqarnera pitsaanerulissaaq, tassa suliffeqarfik akitsuummik akiliuteqarnissamut aningaasaliisussarsiunngikkuni erniatigut sipaaruteqassaaq/iluanaaruteqassaaq.

Akiligassalli akilerneqarnissaanut piffissamik sivitsuinikkut suliffeqarfiup iluanaaruteqarnerata nassataanik Nunatta Karsia aningaasartuuteqassaaq, tassa taama pisoqarpat Nunatta Karsiata akiliisinnaassuseqarnera artukkerneqassaaq. Tamanna Naalakkersuisut ajoqutaangaatsiartussat isigivaat. Aamma suliffeqarfiup aningaasaqarnera ajorseriarpat annaasaqarnissamut ulorianartorsiorneq annerulissaaq.

Kiisalu akiligassat akilerneqarnissaannut piffissamik sivitsuineq malunnaatilimmik nakkutilliinerusariaqalernermik nassataqassaaq. Tassa ilaatigut qaqugukkut tunisaqartoqarsimanersoq nakkutigineqartassaaq. Nakkutilliineq naggataatigut aqutsisoqarfiup suliassaanik allanik Akileraartarnermut Aqutsisoqarfimmit pingaarnersiuisalernermik nassataqartussaaq.

Ikinngutinnerusumik inuulluaqqusillunga  
Med venlig hilsen

Maliina Abelsen